

### die durf van liedere

*geskryf vir die musikant Mantombi Matotiyana*

waarom val die man se huis uitmekaar?  
waarom wag sy die windrigting af?  
waarom eet sy asem en die aaklige  
voorgevoelens van vrees?

waarom het hy weg gegaan?  
waarom is sy weer eens iemand uit  
die ensiklopedie van onvervulde  
begaafdes in wonde agtergelaat?

waarom verkies sy om bier te maak?  
waarom laat hy 'n warm huis agter?  
waarom los hy mielies vir die kinders?  
word pyn so glansend opgehang?

waarom roep sy Majola,  
kom uit uit jou gevangenisskap?  
waarom is haar voorname gekleed  
in die borsklank van voorvaders?

sy laat lig los uit haar larinks  
sy galm en gloei 'n voetpad oop  
lallend kam sy heling uit haar vel  
om 'n wêreld wendbaarder te laat

en ons nie vergeet nie: ons mensasem  
vrekking wreed – kouend op ons eie bloed  
– en al die jare nog steeds die appél  
van 'n wit voortsloffende volk